

A *rubá***A** *ntaño*

ENSEÑANZA...e historia di enseñanza na Aruba a conoce hopi buelta. Pa cuminsa haya e meneer y juf-frouw nan pa duna les. Otro e lugarnan pa acomoda e alumnonan. Y e persona nan cu hopi biaha segun tempo ta bai pasando nan ta ser lubida y ni sikiera galardona pa loke a duna como parti di nan bida pa enseñanza di nos hendenan. Awe den nos edicion nos kier conmemoranan tur, maske cu ta un tanto dificil pa ilustra nan cu recuerdos di un foto, y hasta dificil den nomber pa di es manera nos comete e falta di laga uno of mas nomber afor.

E edificio aki cu a sirbi tanto pa school di gobierno como cuartel di schuterij y bibliotheek, y cu ainda ta para ey nan como un di nos monumentonan pa tene na bida parti di nos historia di e pais joven aki. E trio di señores aki di e school di gobierno cu a yega na carga e nomber di Juliana School ta señores Harry Lampe (e tata di nos amigo Padu del Caribe (Padu Lampe), kende a fallece na año 1954, e otro dosnan ta J. H. Scheurman y J. H. P. Schrills (1903) Awendia ya pa varios año e enseñanza a avanza y progresa den su tareanan, pero nos no por keda sin mencionar cu tabatin su punto nan pa falta di considera-



cion, y hasta politicamente a interveni un tanto den su bon curso, esey no kier meen, cu e no ta. Enseñanza na Aruba ta uno cu ta ser admira y envidia pa hopi otro lugar cu ta depende solamente riba nan lenga natal. Cu esaki nos kier reviva un tanto di e tanto historia cu a bai perdi of a ser lubida, como un memoria y un conocimiento pa esnan di generacion cu a bini despues, y pa duna di conoce un tiki di e historia, pa asina bo por stima e suelo aki un tanto, pasobra bo no por stima loke bo no conoce.

Nos muchanan y nos joven nan tin di conoce nan patria lo mihor posibel. Riba e suelo aki nan a nace y tin di sinti nan mes heredero di su historia. Precisamente e chikito y e adolescentenan. Tur bon patriota ta stima su pais, pero bo no por stima bon, loke bo no conoce bon.